

ix

(...)

Testement de Jeanne
Capoulade

Au nom de dieu soict **l an mil six
cens vingt un et le quatriesme** jour du moys
de novambre avant midy dans la maison
de **jean esquier filz a feu jacme au lieu
del terme** viscomté de()villemur diocese bas
montauban et()sen(echau)^{ccc} de th(ou)l(ouse), regnant nostre
souverain prince louys par la grace de dieu
roy de france et de navarre pardevant moy

notaire et tesmoingz bas nommes personnellem(en)t
establye **jeanne capoulade femme dud(it) jean
esquier** laquelle gisans dans son lit en la salle
haute de lad(ite) maison dettenue de certaine maladye
corporelle toutesfoys en ses bons sens jugement
memoire et cognoissance ainsi qu'a appareu
a moy d(it) not(air)e et tesmoingz non induitte ny
subornée de personne comme a déclaré mais
de son bon gré a faict et ordonné son testament
non cupatif en la forme que s ensuict, en
premier lieu a()invoqué le nom de dieu
pere filz et()saint (e)sprit le supplyant de bon
coeur luy vouloir faire pardon et remission
de()tous ses pechés pour l()amour de son bien
aymé filz n(ot)re seigneur jesus christ et
de()vouloir recepvoir son ame en son paradis
celeste item a voleu et ordonné veult et ordonne
lad(ite) testatrix qu'apres la separa(ti)on de son ame
immortelle d'avec son corps mortel icelluy soict
ensepvely au simitiere dud(it) lieu del terme &
tumbeaux des predecesseurs dud(it) esquier son mary
selon la forme de la relligion catholique appostoliq(ue)
romayne dont elle faict proffession, remettant
ses honneurs funebres a()la discrection de ses

x

her(iti)ers cy apres nommés, et veant a()disposer
de ses biens a donné et legué donne et legue lad(ite)
testatrix a **jeanne barqueze fille de guilhaume
du lieu de()varenes sa filheule** la somme de

douze livres t(ournoi)z &()une chemize payable
lors que se colloquera en mariage, item
donne et legue aussi lad(ite) testatrix a **jean
filz de habitant del born son filheul**
la somme de dix livres t(ournoi)z et()une chemize
payable lors que se colloquera en mariage /
item donne et legue lad(ite) testatrix a()**jean serin
filz a feu guillaume d(it) guilhemot & a()checune des
soeurs dud(it) jean serin ses cousins germains**
la somme de cinq solz t(ournoi)z payable dans
l'an apres son deces par ses her(iti)ers cy apres
nommés moyenant quoy les a faictz et
institué ses her(iti)ers par(ticuli)^{ers} a ce que ne
puissent au(tr)e chose demander sur ses biens
et heredité a()sesd(its) her(iti)ers et en tous
et checuns ses au(tr)es biens meubles immeubles
presens et advenir noms droictz voix et actions
ou que soient scittués et en quoy que consistent
lad(ite) testatrix a faictz et()institues ses her(iti)ers
universelz et generalz & de sa propre bouche

les a nommés assavoir **guyne terrancle sa
mere**, led(it) **jean esquier son mary et lizette
barqueze sa belle mere** tous troys esgallement
a partir et diviser jouyr faire et disposer de sesd(its)
biens et heredité a ses plaisirs et volontés tant
en la vye qu'en la mort et ce en recompance des
bons et agreables services qu'en a receus et
reçoit journellement et pour la bonne affection
que leur porte, et tel a dict estre son
testament et derniere volonté que veut que vaille
et()soit valable ou par droict de()testament ou
de codicille ou de donna(ti)on faicte a()cause de
mort et par tout autre droict uz et()stil
que mieux pourra valoir, cassant revoquant
et annullant tous au(tr)es precedans, sy
a pryés et()requis les tesmoingz cy apres
nommés & par elle deument recognus d'en
estre recors et memoratifz & a moy not(air)e de luy
en rettenir acte ce qu'ay faict ez presences
de m(aîtr)e jean delhom p(rest)bre et()recteur dud(it)
lieu de(l)terme, jean esquier filz de bernard
laboureur, pierre gautier brassier, guilhem
riviere natif de beauvais serviteur dud(it) esquier
anthoine brunet laboureur natif de ch(ate)au neuf

xi

destrettes fons demeurant serviteur avec jean esquier
dict travail, gabriel mantruffet, et()jean esquier

d(it) bourrou laboueurs dud(it) lieu del terme
ne sachans signer ny lad(ite) testatrix fors
led(it) delhom qui s()est signé avec moy jean
bascul notaire royal dud(it) villemur requis /
^° checun de sa part ./

J. Delom, recteur

Bascoul, not(air)e r(oyal)